

16. april 2010

UPA 2010/29

Allannguutissatut siunnersuut

uunga

Meeqqat atuarfianni klassini qullerni atuartut atuarnermut tapiiffiqineqartarnerat pillugu Inatsisartut peqqussutaata atorunnaarsinnera pillugu Inatsisartut peqqussutissaattut siunnersuut.

Ilaqutariinnermut Ataatsimiititaliami amerlanerussuteqartunit Inuit Ataqatigiit Demokratillu sinniisaannit aappassaaneerinninnermut saqqummiunneqartoq.

§ 2-mut

1. § 2 ima oqaasertalerneqassaaq:

”§ 2. Inatsisartut peqqussutaat ulloq 1. juli 2010 atuutilerpoq, 1. august 2010-miit sunniuteqarluni.”

Allannguutissatut siunnersuummut nassiuaatit

Nassuiaatit nalinginnaasut

Meeqqat atuarfianni klassini qullerni atuartut atuarnermut tapiiffiqineqartarnerat pillugu Inatsisartut peqqussutaata atorunnaarsinnera pillugu Inatsisartut peqqussutissaannut siunnersuut 2009-mi ukiakkut ataatsimiinnermi UKA2009 siullermeerneqarpoq. Aappassaaneerneqarnissaa 2010 upernaakkut ataatsimiinnermut UPA2010 kinguartinneqarpoq. Tamatuma malitsigisaanik atuutilersitsinissaq pillugu aalajangersagaq allanngortinneqartariaqarpoq.

Allannguutissatut siunnersuut aningaasatigut kinguneqassanngilaq.

**Allannguutissatut siunnersuummi aalajangersakkanut ataasiakkaanut
nassuiaatit**

Nr. 1-imut

Allannguutissatut siunnersuutip malitsigissavaa inatsisip atuutilerfissaata 1. januar 2010-miit 1. juli 2010-mut kinguartinneqarnera. Ullulli sunniuteqarfigiligassaata allangortinneqarnissaa siunnersuutigineqanngilaq. Taamaalilluni inatsit 1. august 2010-miit sunniuteqalissaaq, atuutilersitsinissamut aalajangersagaaqqaartumi aallaqqaammulli siunnerfigineqartutut.